

道門科範大全集卷七十五之七十七

甲六

道門科範大全集卷之七十五

七十六
七十七
同卷
甲六

廣成先生杜光庭剛

上清昇化仙度遷神道場儀

此儀用黃籙修真十戒用明真宿啓儀及
五鍊生尸古儀宿啓也所以有遷拔滅度
之魂之句萬福天師著同學行道儀始自
疾苦至于終亡皆須懺謝救拔解災悔過
且夫修道昇仙非師不度超凡證聖非友
不成師猶父母也同學爲兄弟也得不敬
孝友愛承順和悅以遵其教乎師資同學

既離親戚棲庇山林骨肉遠矣親愛踈矣
一旦有疾惟門人同學為其選備方藥營
修藥飲以療之其或修短有常奄從淪化
即當誦經行道拜章上表懺罪謝愆以相
遷度生死道義惟此為先師友淪沒弟子

甲六

同學皆當齊集以高德者為法師其餘依
位次第沐浴更衣可設壇出官關啓行事
疾厄危切亡歿極傷應急就修不須宿啓
各在依位主其職司爾其事若宿啓即依
常法

清旦行道

法事陞壇如式

各禮師存念如法

宣衛靈呪

金旨錄霞 煥映三天 飛雲丹霄 諸天控輶

晨暉啓旦 陰翳俱捐 九微震空 五星回旋

萬天感應 自然妙玄 杳冥散佈 分形百千

玄珠先耀 瑞降壇軌 幽明蒙惠 灌鍊金泉

魔王恐懼 合景三田 與道合真

鳴法鼓二十四通

無上三天玄元始三炁太上道君太上老君
召出臣等身中三五功曹左右官使者左右
捧香驛龍騎吏侍香金童傳言散花玉女五
帝直符直日香官合三十六人出出者嚴裝
顯照冠帶垂纓關啓玄壇土地方域神真臣
甲六
今清旦燒香行道謹奉爲入意其諸情悃已
錄奏聞願得

太上十方至真道炁靈寶瑞光下降流入臣
身中令臣所啓速達徑御

太上無極大道

昊天玉皇上帝

東極救苦青玄上帝御前

請稱法位

具位臣某與合壇官衆等謹同誠上啓

虛無自然元始天尊太上大道君太上老君

昊天玉皇上帝勾陳天皇大帝北極紫微大

帝南極注生上帝東極救苦青玄上帝承天

效法后土皇地祇十方太上靈寶天尊諸天

天尊諸天上帝上清日月星斗河漢羣真三

官四聖五師三省真君九天天曹諸位真君

歷代傳宗啓教諸大師真雷霆神虎大醫諸
司官將太上諸階經籙中仙官吏兵天下名
山洞府得道神仙地府酆都大帝幽陰聖衆
水府扶桑大帝閻苑真仙人元五嶽五天聖
帝酆都地祇諸司元帥太歲土火瘟司聖衆

甲六

三

州縣城隍之神當境廟社神祇觀庭土地真
官法壇諸司官將三界提魂攝魄神吏四界
直符功曹使者騰奏儀錢神吏醮筵主宰一
切真仙恭望洪慈洞回昭鑒臣等微生賤質
謬預法流早契神期奉遵玄秘未能超形物

外隱影林巒服道思玄研習要妙但人間修
尚以香火爲功濟拔幽塗超昇上境受法之
日約當奉行救度人天宣洪道德況奉詞旨
敢不上聞

宣詞

按如詞旨情深追慕臣等謹爲共相携率依
按典儀歸命十方冥祈三寶修齋行道請命
祈哀伏願至道垂慈哀原羣品陰罪陽過咸
乞消除使進品仙都升神上境式彰洪濟少
副哀鳴以今清旦行道請法衆等運茲初捨

上香願此香烟騰空徑上供養

太上三尊臣等至心皈身皈神皈命以是功德歸流宗桃先聖社稷尊靈控御晨霞宴遊霄極旁敷德澤蕃大本支

皇帝聖壽延長明齊二景仁風淳厚德邁三宗民俗阜安兵戈偃戢今故燒香自皈依道尊大聖衆至真之德得道之後昇入無形和與道合真

以今清旦行道請法衆等運茲二捻上香願此香烟騰空徑上供養

大道尊經臣等至心皈身皈神皈命以是功德歸流仙化某洎三師玄祖法俗先亡伏願遊神紫極鍊質廣寒逍遙碧落之庭縱適三清之境消除塚訟庇佑門徒今故燒香自皈依

甲六

四

經尊大聖衆至真之德得道之後昇入無形和與道合真

以今清旦行道請法衆等運茲三捻上香願此香烟騰空徑上供養

太上三師臣等至心皈身皈神皈命以是功

德歸流弟子其伏願道業日新智燈無量心
開意解體悟自然學道成真名題青籙觀宇
肅靜大小咸寧今故燒香自歸依
師尊大聖衆至真之德得道之後昇入無形
和與道合真

懺方 命魔 步虛 三禮

重稱法位

具位臣某與合壇官衆等謹重誠上啓

虛無自然元始天尊太上大道君太上老君

昊天玉皇上帝勾陳天皇大帝北極紫微上

帝南極注生大帝東極救苦青玄上帝承天
效法后土皇地祇上窮圓蓋之高真下極方
輿之主宰有靈有聖今古師宗醮筵主宰合
屬真仙恭望洪慈洞回昭格臣等育質三光
造形九炁凡胎尸穢漏質庸虛宿慶彌綸茲

甲六

五

逢道運幸生聖代蚤佩黃裳沐大宥之垂休
覩真經之輔世叨逢祕檢繆奉丹盟不揆凡
材輒居法任科文肄業香火傾心爲已及人
祈恩請福今有弟子某奉爲仙化本師某早
從師範宗奉仙真香火雖嚴形神未鍊靈根

不固天運有終歸身太陰託形幽夜切恐平生舉動悞犯真科抵觸神明冒干天地違越禁忌構此凶衰又恐六甲五行九宮八卦互爲刑剋莫遂考終又恐先世流殃惡人咒詛宿冤往債結釁所成伏連傳尸新故延染考氣注訟侵逼魂神魍魎邪精乘爲大害遷化以後超度無由恐識滯鬼羣殃延見在是敢修齋行道歸命至真仰乞大慈特垂惠澤開釋幽對超度先師馭日紫霄乘雲丹殿北辭長夜南上絳宮演三洞之靈文爲太平之教

主圓光附體洞照太空導引世人永超長夜
所冀邊疆靜息風雨均調聖祚延長皇圖永
固弟子某等道念增進心識光明速登玄解
之鄉永作人天之庇先師超度塚宅鎮安境
界龍神宮庭土地遷陞階品佑護生靈下窮
幽漠之鄉俱被清升之澤上明
天尊大慈之化下副臣等祈向之誠謹啓以

聞

十二願

復鑪

謹攝香官使者左右龍虎君侍香諸靈官當
令臣向來清旦行道之所自然生金液丹碧
芝英百靈衆真交會在此香火鑪前當願十
方仙童玉女接待蘭煙傳臣向來所啓之誠
速達徑御

甲六

至真無極大道

昊天玉皇上帝

東極救苦青玄上帝御前

出堂頌

出戶

道門科範大全集卷之七十五

道門科範大全集卷之七十六

上清昇化仙度遷神道場儀

臨午行道

陞壇如式

各禮師存念如法

宣衛靈呪

謠歌空洞 帝君存壇 五帝校錄 受符三官
備衛四門 東魔去奸 流鈴擲火 陰穢焚殘
身佩金書 鍊液芝顏 玄靈受合 心動三關
騎獅跨鶴 控龍乘鸞 萬星守舍 千魔不干

道炁長存萬仙悉安與道合真

鳴法鼓二十四通

無上三天玄元始三炁太上道君太上老君
召出臣等身中三五功曹左右官使者左右
捧香驛龍騎吏侍香金童傳言散花玉女五

甲六

七

帝直符直日香官合三十六人出出者嚴莊
顯服冠帶垂纓關啓玄壇土地方域神真臣
今臨午行道謹奉為入意其諸情悃已錄奏
聞願得

太上十方至真道炁靈寶瑞光下降流入臣

身中令臣所啓速達徑御

太上無極大道

昊天玉皇上帝

東極救苦青玄上帝御前

請稱法位

具位臣某與合壇官衆等謹同誠上啓

虛無自然元始天尊太上大道君太上老君

昊天玉皇上帝勾陳天皇大帝北極紫微上

帝南極注生大帝東極救苦青玄上帝承天

效法后土皇地祇十方太上靈寶天尊諸天

天尊諸天上帝上清日月星斗河漢羣真三
官四聖五師三省真君九天天曹諸位真君
歷代傳宗啓教諸大師真雷霆神虎天醫諸
司官將太上諸階經錄中仙官將吏天下名
山洞府得道神仙地府酆都大帝幽陰聖衆
水府扶桑大帝閻苑真人元五嶽五天聖
帝酆都地祇合千元帥太歲土火溫司聖衆
州縣城隍之神當境廟社神祇福庭土地真
官法壇諸司官將三界提魂攝魄神吏四界
直符功曹使者騰奏儀錢神吏醮筵主宰一

切真仙恭望洪慈洞垂昭鑒臣等擢形中土
稟質常倫宿福所鍾遭逢道運得以凡賤參
奉正真鍊氣凝神動虧真寂遊心屬想未
契玄虛今有弟子某師弟相依皆資昔會恩
均覆載分等生成仙化昇沉自宜薦舉事存
明誥敢奉丹誠瀝懇玄津冥祈景佑今奉詞
旨敢不上聞

宣詞

按如詞言誠深追慕弟子某以仙化本師某
昔稟玄猷棲神道域而善功未著仙札無名

脩短有期奄從常數追傷痛悼彌切誠祈虔
備壇場奉修齋直臣等謹為考諸儀訓廣作
津梁俾茲滅度之魂出彼輪迴之域以今臨
午行道請法衆等運茲初捻上香願此香烟
騰空徑上供養

大道三尊臣等至心皈身皈神皈命以是功
德上祝

皇帝萬壽宗社隆昌祚曆遐長寰區清晏三
師元祖天下人民玄貺所覃並登真道今故
燒香自皈依

道尊大聖衆至真之德得道之後昇入無形
和與道合真

以今臨午行道請法衆等運茲二捻上香願
此香烟騰空徑上供養

太上尊經甲六臣等至心皈身皈神皈命以是功九

德歸流仙化道士其消釋罪尤解除過謫出
九幽之府離五苦之庭輪轉受生常承福果
終得仙道長樂無爲退及幽沉溥該動植九
圍之內庶類之中賴此鴻休成臻道化今故
燒香自皈依

經尊大聖衆至真之德得道之後昇入無形
和與道合真

以今臨午行道請法衆等運茲三捻上香願
此香烟騰空徑上供養

太上三師臣等至心皈身皈神皈命以是功

德歸流弟子某等真炁潛資至人降接內凝
冲素外却凶邪北宮續易盡之年南府注長
生之籍寃仇銷解債訟和平九族親姻普天
民庶幽明動植巨福均霑今故燒香自皈依
師尊大聖衆至真之德得道之後昇入無形

和與道合真

懺方 命魔 步虛 三禮

重稱法位

具位臣某與合壇官衆等謹重誠上啓

虛無自然元始天尊太上大道君太上老君

昊天玉皇上帝勾陳天皇大帝北極紫微大

帝南極注生大帝東極救苦青玄上帝承天

效法后土皇地祇上窮圓蓋之高真下極方

輿之王宰有靈有聖今古師宗醮筵列班一

切真仙恭望洪慈洞回淵鑒臣等幸以福緣

得參真化仙經祕篆早遂稟修竊按真經深
明旨教師恩至重義等天親生化轉輪當嚴
薦奉今有祈向敢不謄聞弟子某伏為仙化
本師某往以善因獲參真品佩奉高妙宗仰
正真而仙品未充塵勞未靜遽纏疾厄遂至

甲六

十

淪亡雖常數之有終由後人之貽釁追悔莫
及荼毒難任深憂積集之愆尚累超昇之便
欲求懺悔以福幽明弟子某等伏自積劫以
來受生之後上悖君父不孝尊親就偽棄真
背師欺友或殺生殘忍戕害無辜妬妬賢良

輕凌親屬或噉食物命咀嚼軍卒竊弄寶經
評論仙聖忽畧四大穢慢三光呪詛神明自
欺形影或妄傳經教輕泄天書不合典儀犯
干天憲或愛人賤信施用不公榮潤己身支
贍親黨或破齋毀戒有犯玄科下負人倫上
違經錄名書累簿功落青編惡至滅身禍延
師表冥冥長夜精爽何之非自首陳何能升
濟以今修齋行道悔過知非存歿罪愆咸希
除蕩伏願至真大道無上衆尊告下酆都岱
宗二十七獄陰陽水火百二十曹削除七世

以來生死罪對得居寬縱放赦形魂託生中華受氣智慧宗奉玄科振揚法音爲人天師證虛無道次願

帝王萬壽臣佐一心四海同文八紘共軌三塗六趣九夜重冥觀見光明免諸罪惱蝘飛

甲六

十一

蠢動率土普天同賴洪恩咸升福岸上明天尊大慈之澤下副臣等懺謝之誠謹啓以聞

十二願

復鑪

謹攝香官使者左右龍虎君侍香諸靈官當
令臣向來臨午行道之所自然生金液丹碧
芝英百靈衆真交會在此香火鑪前當願十
方仙童玉女接待侍蘭烟傳臣向來所啓之誠
速達徑御

太二無極大道

昊天玉皇上帝

東極救苦青玄上帝御前

出堂頌

出戶

道門科範 大全集卷之七十六

道門科範大全集卷之七十七

上清昇化仙度遷神道場儀

晚朝行道

法事陞壇如式

各禮師存念如法

宣衛靈呪

神光朗耀 瑞氣帀旋 箕斗映輝 芝宇晏然
玉眸含真 寶壇純軋 變夜作晝 回子午前
太華流珠 丹鳳飛玄 息魔滅奸 高步祥煙
天真普集 齊到帝前 與道合真

鳴法鼓二十四通

無上三天玄元始三炁太上道君太上老君
召出臣等身中三五功曹左右官使者左右
捧香驛龍騎吏侍香金童傳言散花玉女五
帝直符直日香官合三十六人出出者嚴莊

甲六

十二

顯服冠帶垂纓闕啓玄壇土地方域神真臣
今落景行道謹奉爲入意其諸情悃已錄奏
聞願得

太上十方至真道炁靈寶瑞光下降流入臣
身中今臣所啓速達徑御

太上無極大道

昊天玉皇上帝

東極救苦青玄上帝御前

請稱法位

具位臣某與合壇官衆等謹同誠上啓

虛無自然元始天尊太上大道君太上老君
昊天玉皇上帝勾陳天皇大帝北極紫微大
帝南極注生上帝東極救苦青玄上帝承天
效法后土皇地祇十方太上靈寶天尊諸天
天尊諸天上帝上清日月星斗河漢群真三

官四聖五師三省真君九天天曹諸位真君
歷代傳宗啓教諸大師真雷霆神虎天醫諸
司官將太上諸階經錄中仙官將吏天下名
山洞府得道神仙地府酆都大帝幽陰聖衆
水府扶桑大帝閻苑真仙人元五嶽五天聖
帝酆都地祇合干元帥太歲土火溫司聖衆
州縣城隍之神當境廟社神祇福庭土地真
官法壇諸司官將三界提魂攝魄神吏四界
直符功曹使者膽奏儀錢神吏醮筵主宰合
座真仙恭望洪慈洞垂淵鑒臣等宿荷玄恩

稟以正氣歸依道化參習真風祕訣真文靈
科妙典得諧披盼天澤弘深而弟子某以師
匠之親昔緣運會道科所重真訓所先生死
降升更相度脫今奉詞旨敢不上聞

宣詞

按如詞言誠深追慕竊慮先師奄從仙化神
識何之光景奔流音容遼絕向以生長濁俗
栖息玄門功行未圓修持多曠難超道域尚
阻幽途身謝三官受嬰衆苦緬惟幽夜悲痛
寔深臣等輒按典儀謹相攜率遵承科範宗

奉正真仰憑開度之恩願報生成之力精嚴
香火冀表梯航滌慮冥心虔修齋直以今落
景行道請法衆等運茲初捨上香願此香烟
騰空徑上供養

太上三尊臣等皈身皈神皈命以是功德歸
流宗祧社稷列聖尊靈浮灑氣於九清駕卿
雲於八極垂休介福保國寧人

皇帝北極延祥南山等祚寰瀛康泰中外輯
和朝有賢良野無遺逸萬方順化同契無爲
今故燒香自皈依

道尊大聖衆至真之德得道之後昇入無形
和與道合真

以今落景行道請法衆等運茲二檢上香願
此香烟騰空徑上供養

太上尊經臣等皈身皈神皈命以是功德上

甲六

十四

資先師某伏願真乘導衛至聖保持浴神流
火之庭鍊魄洞陽之境叅真玉闕受號珠宮
贊大道之慈風啓群生之慧路及九玄七祖
經籍度師保舉監盟山棲同志俱霑勝澤並
陟真階今故燒香自皈依

經尊大聖衆至真之德得道之後昇入無形
和與道合真

以今落景陞壇行道請法衆等運茲三捻上
香願此香烟騰空徑上供養

太上三師臣等皈身皈神皈命以是功德歸

流弟子某家億曾萬祖親緣眷屬普及幽明
存者承福祐之資歿者獲昇遷之澤洎乎周
天八極動植含靈九夜三途遊魂滯魄荷太
上宣慈之貺沐天真濟拔之恩克遂逍遙永

荷貞吉今故燒香自皈依

師尊大聖衆至真之德得道之後昇入無形
和與道合真

懺方

東青西素南丹
北冥三時通用

臣等伏聞至道玄通隨機赴感天尊廣濟應
念垂慈悔謝則三業消清懺除則九泉開泰

甲六

十五

臣等以今轉經行道歸命

十方無極太上靈寶天尊三光五嶽三河四
海三十六部尊經奉爲弟子某以先師某謝
絕世塵遷升真路仰慮前緣往劫此世以來
行教立功宣科濟俗違越禁戒負犯幽明傳

法修身逾真忤聖後學爽金縉之信師資罹
輕泄之辜功過相因愆尤未解因今懺悔咸
乞蕩除伏願上聖弘慈至真玄鑒告盟三界
敕勒四司五帝開恩三官赦罪地無報對水
絕盟言永出輪迴克昇長樂刊功帝簡垂祐
法門六道三塗同臻勝善禍沉九夜福起十
方率土普天咸登壽域得道之後昇入無形
和與道合真

步虛

三禮

重稱法位

具位臣等與合壇官衆等謹重誠上啓

祖師三清玉帝昊天玉皇上帝十方三界一
切真靈恭望洪慈普回昭鑒臣等夙荷玄休
早依道化參修大法佐國度人緬惟稟奉之
初實自師資之力而跡隨塵染身遠林泉乏

棲神養素之功虧利物濟時之效感通誠寡
憂惕常深弟子某竊惟先師某開濟恩深叩
尊義重幽明有隔親奉無階惟罄齋誠仰伸
崇薦伏慮粵從曩劫以洎此身生化以來功
過參積或含慈拯物演教度人違負經科冒

犯禁戒或施行道法抑徇人情乘勢愛憎妄
生嫌恨或興修觀宇過水穿山驚駭龍神損
伐林木彼成此廢功立過生或傳法授經不
依年限慈能累道善必成非五帝四司未蒙
原赦三官九府猶繫罪名拘閉幽關無由遷

甲六

十六

拔以今修齋行道謝過希恩無量罪條將希
原宥伏願三尊大聖應感真靈降罔極之恩
赦無涯之咎事無巨細咸乞蕩除即使名度
朱陵釁消黑簿太陰受鍊丹霍遷神輪轉福
階登真證品克臻道果永出化機前代今生

億曾萬祖存亡受福動植霑榮流向法門垂
休後學大弘神化常轉法輪臣等所謝所祈
仰通玄鑒殃消昔劫福降今辰上願國祚延
長帝王萬壽乾坤交泰日月貞明風雨順常
星辰合度干戈弭戢穀稼豐登歲有禎祥時
無疵癘幽明開泰蠢動安全普及含生俱契
常道上明

聞
天尊大慈之澤下副臣等歸命之誠謹啓以

復鑪

謹攝香官使者左右龍虎君侍香諸靈官當
令臣向來落景行道之所自然生金液丹碧
芝英百靈衆真交會在此香火鑪前當願十
方仙童玉女接待蘭烟傳臣向來所啓之誠

甲六

十七

速達徑御

太上無極大道

昊天玉皇上帝

東極救苦青玄上帝御前

出堂頌

出戶

道門科範大全集卷之七十七



